

校定
音訓

春秋

改點

完

土岐文庫
文庫17
W6
7



文庫 17
W
T

春秋傳序

胡安國著

古者列國各有史官。掌記時事。春秋魯史爾。仲尼就加筆削。乃史外傳。心之要典也。而孟氏發明宗旨。目為天子之事者。周道衰微。乾綱解紐。亂臣賊子。接迹當世。人欲肆而天理滅矣。仲尼天理之所在。不以為己任。而誰可ナル五典不マラ惇己所當敘五禮弗庸已。

昭和六十年二月一日贈
土岐善唐氏寄

010185188-138

所當秩五服弗章已所當命五刑弗
用已所當討故曰文王既没文不在
茲乎天之將喪斯文也後死者不得
與於斯文也天之未喪斯文也匡人
其如予何聖人以天自處斯文之興
喪在已而由人乎哉故曰我欲載之
空言不如見諸行事之深切著明也
空言獨能載其理行事然後見其用

是故假魯史以寓王法撥亂世反之
正敘先後之倫而典自此可惇秩上
下之分而禮自此可庸有德者必褒
而善自此可勸有罪者必貶而惡自
此可懲其志存乎經世其功配於抑
洪水膺戎狄放龍蛇驅虎豹其大要
則皆天子之事也故曰知我者其惟
春秋乎罪我者其惟春秋乎知孔子

者謂此書之作。遏人欲於橫流。存天
理於既滅。爲後世慮至深遠也。罪孔
子者。謂無其位而託二百四十二年
南面之權。使亂臣賊子禁其欲而不
得肆。則戚矣。是故春秋見諸行事。非
空言比也。公好惡則發乎詩之情。酌
今古則貫乎書之事。興常典則體乎
禮之經。本忠恕則導乎樂之和。著權

制則盡乎易之變。百王之法度。萬世
之準繩。皆在此書。故君子以謂五經
之有春秋。猶法律之有斷例也。學是
經者。信窮理之要矣。不學是經而處
大事。決大疑。能不惑者鮮矣。自先聖
門人。以文學名科。如游夏。尚不能贊
一辭。蓋立義之精如此。去聖既遠。欲
因遺經。窺測聖人之用。豈易能乎。然

世有先後。人心之所同然。一爾苟得其所同然者。雖越宇宙。若見聖人親炙之也。而春秋之權度在我矣。近世推隆王氏新說。按爲國是。獨於春秋貢舉。不以取士。庠序不以設官。經筵不以進讀。斷國論者。無所折衷。天下不知所適。人欲日長。天理日消。其效使夷狄亂華。莫之遏也。噫。至此極矣。仲尼親手筆削。撥亂反正之書。亦可以行矣。天縱聖學。崇信是經。迺於斯時。奉承詔旨。輒不自揆。謹述所聞。爲之說以獻。雖微辭奧義。或未貫通。然尊君父。討亂賊。闢邪說。正人心。用夏變夷。大法略具。庶幾聖王經世之志。小有補云。

春秋

隱公



元年春王正月。三月公及邾儀父盟于蔑。

邾張俱反

莫結反

夏五月鄭伯克段于鄆。

偃音

秋七月天王使

宰咺來歸惠公仲子之賵。

咺呼阮反 賵撫鳳反

九月及宋人盟

于宿。冬十有二月祭伯來。

祭側界反

公子益師卒。

二年春公會戎于潛。

夏五月莒人入向。

舒亮反無駭

帥師入極。秋八月庚辰公及戎盟于唐。

九月

紀履緌來逆女。

緌音須 逆迎也

冬十月伯姬歸于紀。

紀

Faint bleed-through text from the reverse side of the page, including characters like '天子', '宗言', '長', '孫', '父', '使', '歸', '女', '歸', '于', '紀'.

子伯莒子盟于密。十有二月乙卯夫人子氏薨。

鄭人伐衛。

三年春王二月己巳音紀日有食之。三月庚戌天

王崩。夏四月辛卯尹氏卒。秋武氏子來求賻。

八月庚辰宋公和卒。冬十有二月齊侯鄭

伯盟于石門。癸未葬宋穆公。

四年春王二月莒人伐杞取牟婁相音起。戊申衛

州吁弒其君完呼况。夏公及宋公遇于清。宋公

陳侯蔡人衛人伐鄭。秋翬帥師翬音輝會宋公陳侯

蔡人衛人伐鄭。九月衛人殺州吁于濮。冬

十有二月衛人立晉。

五年春公觀魚于棠。夏四月葬衛桓公。秋衛

師入郕成音。九月考仲子之宮考始成而祀也。初獻六羽。

邾人鄭人伐宋。螟真音。冬十有二月辛巳公

子彊卒彊音。宋人伐鄭圍長葛。

六年春鄭人來輸平輸納也平成也。夏五月辛酉公會齊

侯盟于艾。秋七月。冬宋人取長葛。

七年春王三月叔姬歸于紀。滕侯卒。夏城中

春秋

丘。齊侯使其弟年來聘。○秋公伐邾。○冬天王使凡伯來聘。戎伐凡伯于楚丘以歸。

八年春宋公衛侯遇于垂。三月鄭伯使宛來歸。

訪。必彭反庚寅我入訪。○夏六月己亥蔡侯考父卒。

辛亥宿男卒。○秋七月庚午宋公齊侯衛侯盟。

于瓦屋。八月葬蔡宣公。九月辛卯公及莒人。

盟于浮來。螟。○冬十有二月無駭卒。

九年春天王使南季來聘。三月癸酉大雨震電。

庚辰大雨雪。雨千付反挾卒。國音協○夏城郎。○秋七月。

冬公會齊侯于防。

十年春王二月公會齊侯鄭伯于中丘。○夏翬帥。

師會齊人鄭人伐宋。六月壬戌公敗宋師于菅。

古頑反辛未取郕。古報反辛巳取防。秋宋人衛人入鄭。

宋人蔡人衛人伐戴鄭伯伐取之。○冬十月壬。

午齊人鄭人入郕。

十有一年春滕侯薛侯來朝。國慮列反○夏公會鄭伯于。

時來。○秋七月壬午公及齊侯鄭伯入許。○冬十。

有一月壬辰公薨。

桓公

元年春王正月公即位。三月公會鄭伯于垂。鄭伯以璧假許田。夏四月丁未公及鄭伯盟于越。秋大水。冬十月。

二年春王正月戊申宋督弒其君與夷及其大夫孔父。滕子來朝。三月公會齊侯陳侯鄭伯于稷以成宋亂。夏四月取郕大鼎于宋戊申納于大廟。秋七月杞侯來朝。蔡侯鄭伯會于鄧。九月入杞。公及戎盟于唐。冬公至自唐。

三年春正月公會齊侯于贏。夏齊侯衛侯胥命于蒲。六月公會杞侯于郕。秋七月壬辰朔日有食之既。公子翬如齊逆女。九月齊侯送姜氏于讙。公會齊侯于讙。夫人姜氏至自齊。冬齊侯使其弟年來聘。有年。四年春正月公狩于郎。夏天王使宰渠伯糾來聘。

五年春正月甲戌己丑陳侯鮑卒。夏齊侯鄭伯如紀。天王使仍叔之子來聘。葬陳桓公。城。

春秋左傳卷之四十四 宣公十四年

祝丘 秋蔡人衛人陳人從王伐鄭 大雩于音

冬蝨終音 冬州公如曹

六年春正月寔來寔音 夏四月公會紀侯于郕

秋八月壬午大閱悅音 蔡人殺陳陀 九月丁卯

子同生 冬紀侯來朝

七年春二月己亥焚咸丘焚扶云反 夏穀伯綏來朝鄧

侯吾離來朝

八年春正月己卯烝 天王使冢父來聘 夏五

月丁丑烝 秋伐邾 冬十月雨雪 祭公來遂

逆王后于紀

九年春紀季姜歸于京師 夏四月 秋七月

冬曹伯使其世子射姑來朝射姑亦反

十年春王正月庚申曹伯終生卒 夏五月葬曹

桓公 秋公會衛侯于挑丘弗遇 冬十有二月

丙午齊侯衛侯鄭伯來戰于郎

十有一年春正月齊人衛人鄭人盟于惡曹 夏

五月癸未鄭伯寤生卒 秋七月葬鄭莊公 九

月宋人執鄭祭仲 突歸于鄭 鄭忽出奔衛

柔會宋公陳侯蔡叔盟于折 公會宋公于夫鍾

扶冬十有二月公會宋公于闕及

十有二年春正月夏六月壬寅公會杞侯莒子

盟于曲池秋七月丁亥公會宋公燕人盟于穀

丘八月壬辰陳侯躍卒略反公會宋公于虛

冬十有一月公會宋公于龜丙戌公會鄭伯盟

于武父丙戌衛侯晉卒十有二月及鄭師伐

宋丁未戰于宋

十有三年春二月公會紀侯鄭伯己巳及齊侯宋

公衛侯燕人戰齊師宋師衛師燕師敗績三月

葬衛宣公夏大水秋七月冬十月

十有四年春正月公會鄭伯于曹無冰夏五

鄭伯使其弟語來盟秋八月壬申御廩災

乙亥嘗冬十有二月丁巳齊侯祿父卒

宋人以齊人蔡人衛人陳人伐鄭

十有五年春二月天王使冢父來求車三月乙

未天王崩夏四月己巳葬齊僖公五月鄭伯

突出奔蔡鄭世子忽復歸于鄭許叔入于許

公會齊侯于艾。邾人牟人葛人來朝。秋九

月鄭伯突入于櫟。歷音冬十有一月公會宋公

衛侯陳侯于袤伐鄭。鄭氏反

十有六年春正月公會宋公蔡侯衛侯于曹。夏

四月公會宋公衛侯陳侯蔡侯伐鄭。秋七月公

至自伐鄭。冬城向。先亮反十有一月衛侯朝出奔

齊。

十有七年春正月丙辰公會齊侯紀侯盟于黃。

二月丙午公會邾儀父盟于越。越反夏五月丙午

及齊師戰于奚。六月丁丑蔡侯封人卒。秋八

月蔡季自陳歸于蔡。癸巳葬蔡桓侯。及宋人

衛人伐邾。冬十月朔日有食之。

十有八年春王正月公會齊侯于濼。濼反公與夫人

姜氏遂如齊。夏四月丙子公薨于齊。丁酉公之

喪至自齊。秋七月。冬十有一月己丑葬我君

桓公 莊公

元年春王正月。三月夫人孫于齊。孫反夏單伯

校定音訓

春秋

卷八

逆王姬單音。○秋築王姬之館于外。○冬十月乙亥。

陳侯林卒。王使榮叔來錫桓公命。王姬歸于

齊。齊師遷紀邾郚部。邾音萍郚音

二年春王二月葬陳莊公。○夏公子慶父帥師伐

於餘丘。○秋七月齊王姬卒。○冬十有二月夫人

姜氏會齊侯于禚。諸若乙酉宋公馮卒。馮音

三年春王正月溺會齊師伐衛。○夏四月葬宋莊

公。○五月葬桓王。○秋紀季以鄆入于齊。鄆音○冬

公次于滑。滑音

四年春王二月夫人姜氏享齊侯于祝丘。○三月

紀伯姬卒。○夏齊侯陳侯鄭伯遇于垂。○紀侯大

去其國。○六月乙丑齊侯葬紀伯姬。○秋七月。○

冬公及齊人狩于禚。

五年春王正月。○夏夫人姜氏如齊師。○秋邾黎

來來朝。邾音○冬公會齊人宋人陳人蔡人伐衛。

六年春王正月王人子突救衛。○夏六月衛侯朔

入于衛。○秋公至自伐衛。○螟。○冬齊人來歸衛

俘。芳夫

七年春夫人姜氏會齊侯于防。○夏四月辛卯夜
恆星不見。現音夜中星隕如雨。○秋大水無麥苗。○
冬夫人姜氏會齊侯于穀。

八年春王正月師次于郎以俟陳人蔡人。甲午

治兵。○夏師及齊師圍郟郟降于齊師。降音○秋師

還。音旋○冬十有一月癸未齊無知弒其君諸兒。後同

九年春齊人殺無知。公及齊大夫盟于斂。音

夏公伐齊納糾齊小白入于齊。○秋七月丁酉葬

齊襄公八月庚申及齊師戰于乾時。音我師敗績。

九月齊人取子糾殺之。○冬浚洙。浚音峻 洙音殊

十年春王正月公敗齊師于長勺。音二月公侵宋

三月宋人遷宿。○夏六月齊師宋師次于郎公敗

宋師于乘丘。乘音 繩音○秋九月荆敗蔡師于莘。音以蔡

侯獻舞歸。○冬十月齊師滅譚。音譚子奔莒。

十有一年春王正月。○夏五月戊寅公敗宋師于

鄆。音○秋宋大水。○冬王姬歸于齊。

十有二年春王三月紀叔姬歸于鄆。○夏四月。○

秋八月甲午宋萬弒其君捷及其大夫仇牧。○冬。

春秋左傳卷之五十四

十月。宋萬出奔陳。

十有三年。春。齊侯。宋人。陳人。蔡人。邾人。會于北杏。

夏。六月。齊人滅遂。戶猛反秋。七月。冬。公會齊侯。

盟于柯。歌音

十有四年。春。齊人。陳人。曹人。伐宋。夏。單伯會伐。

宋。單音秋。七月。荆入蔡。冬。單伯會齊侯。宋公。衛

侯。鄭伯。于鄆。綱音

十有五年。春。齊侯。宋公。陳侯。衛侯。鄭伯。會于鄆。

夏。夫人姜氏如齊。秋。宋人。齊人。邾人。伐鄭。丘合反

鄭人侵宋。冬。十月。

十有六年。春。王正月。夏。宋人。齊人。衛人。伐鄭。

秋。荆伐鄭。冬。十有二月。會齊侯。宋公。陳侯。衛侯。

鄭伯。許男。滑伯。滕子。同盟于幽。邾子克卒。

十有七年。春。齊人執鄭詹。夏。齊人殲于遂。慶反

秋。鄭詹自齊逃來。冬。多麋。眉音

十有八年。春。王三月。日有食之。夏。公追戎于濟

西。秋。有蜚。或音冬。十月。

十有九年。春。王正月。夏。四月。秋。公子結。媵陳

人之婦于鄆。證以遂及齊侯宋公盟。夫人姜氏如莒。

○冬齊人宋人陳人伐我西鄙。

二十年春王二月夫人姜氏如莒。○夏齊大災。

○秋七月。○冬齊人伐我。

二十有一年春王正月。○夏五月辛酉鄭伯突卒。

○秋七月戊戌夫人姜氏薨。○冬十有一月葬鄭厲公。

厲公。

二十有二年春王正月肆大眚。省音癸丑葬我小君

文姜。陳人殺其公子御寇。○夏五月。○秋七月

丙申及齊高侯盟于防。○冬公如齊納幣。

二十有三年春公至自齊。祭叔來聘。○夏公如

齊觀社。公至自齊。荆人來聘。公及齊侯遇

于穀。蕭叔朝公。○秋丹桓宮楹。盈音○冬十有一

月曹伯射姑卒。射示亦反十有二月甲寅公會齊侯盟

于扈。音戶

二十有四年春王三月刻桓宮桷。角音葬曹莊公。

○夏公如齊逆女。○秋公至自齊。八月丁丑夫

人姜氏入。戊寅大夫宗婦覲用幣。覲徒歷反大水。

冬。戎侵曹。曹羈出奔陳。赤歸于曹。郭公。義不可免。或以為郭亡。

二十有五年。春。陳侯使女叔來聘。女音汝。夏。五月。癸

丑。衛侯朔卒。六月。辛未。朔。日有食之。鼓用牲于

社。伯姬歸于杞。秋。大水。鼓用牲于社于門。○

冬。公子友如陳。

二十有六年。春。公伐戎。夏。公至自伐戎。曹殺

其大夫。○秋。公會宋人。齊人。伐徐。○冬。十有二月。

癸亥。朔。日有食之。

二十有七年。春。公會杞。伯姬于洮。洮徒力反。○夏。六月。公

會齊侯。宋公。陳侯。鄭伯。同盟于幽。○秋。公子友如

陳。葬原仲。○冬。杞伯姬來。莒慶來。逆叔姬。杞伯

來朝。公會齊侯于城濮。音下。

二十有八年。春。王三月。甲寅。齊人伐衛。衛人及齊

人戰。衛人敗績。○夏。四月。丁未。邾子瑱卒。瑱素果反。○秋。

荆伐鄭。公會齊人。宋人。救鄭。○冬。築郿。亡悲反。大

無麥禾。臧孫辰告糴于齊。糴徒歷反。

二十有九年。春。新延廡。居又反。○夏。鄭人侵許。○秋。有

蜚。扶味反。○冬。十有二月。紀叔姬卒。城諸及防。

三十年春王正月。○夏師次于成。○秋七月齊人

降鄆。鄆音章八月癸亥葬紀叔姬。九月庚午朔

日有食之。鼓用牲于社。○冬公及齊侯遇于魯濟。

子禮反齊人伐山戎。

三十有一年春築臺于郎。○夏四月薛伯卒。築

臺于薛。六月齊侯來獻戎捷。捷反○秋築臺于秦

○冬不雨。

三十有二年春城小穀。○夏宋公齊侯遇于梁丘

○秋七月癸巳公子牙卒。八月癸亥公薨于路

寢。○冬十月己未子般卒。般公子慶父如齊。

狄伐邢。

閔公

元年春王正月齊人救邢。○夏六月辛酉葬我君

莊公。○秋八月公及齊侯盟于落姑。季子來歸。

○冬齊仲孫來。

二年春王正月齊人遷陽。○夏五月乙酉吉禘于

莊公。○秋八月辛丑公薨。九月夫人姜氏孫于

邾。邾音遜公子慶父出奔莒。○冬齊高子來盟。十

有二月狄入衛。鄭棄其師。

僖公

元年春王正月齊師宋師曹師次于聶北救邢。國女

○夏六月邢遷于夷儀。齊師宋師曹師城邢。

秋七月戊辰夫人姜氏薨于夷齊人以歸。楚人

伐鄭。八月公會齊侯宋公鄭伯曹伯邾人于櫟。

九月公敗邾師于偃。○冬十月壬午公子友

帥師敗莒師于鄆。力知反獲莒挈。女居反十有二月丁巳

夫人氏之喪至自齊。

二年春王正月城楚丘。○夏五月辛巳葬我小君

哀姜。虞師晉師滅下陽。○秋九月齊侯宋公江

人黃人盟于貫。○冬十月不雨。楚人侵鄭。

三年春王正月不雨。○夏四月不雨。徐人取舒。

六月雨。○秋齊侯宋公江人黃人會于陽穀。○

冬公子友如齊泣盟。楚人伐鄭。

四年春王正月公會齊侯宋公陳侯衛侯鄭伯許

男曹伯侵蔡。蔡潰。遂伐楚。次于陘。邢音○夏許男新

臣卒。楚屈完來盟于師。盟于召陵。國音齊人執

陳轅濤塗音○秋及江人黃人伐陳八月公至

自伐楚葬許穆公○冬十有二月公孫茲帥師會

齊人宋人衛人鄭人許人曹人侵陳

五年春晉侯殺其世子申生杞伯姬來朝其子

○夏公孫茲如牟公及齊侯宋公陳侯衛侯鄭

伯許男曹伯會王世子于首止○秋八月諸侯盟

于首止鄭伯逃歸不盟楚人滅弦弦子奔黃

九月戊申朔日有食之○冬晉人執虞公

六年春王正月○夏公會齊侯宋公陳侯衛侯曹

伯伐鄭圍新城○秋楚人圍許諸侯遂救許○冬

公至自伐鄭

七年春齊人伐鄭○夏小邾子來朝鄭殺其大

夫申侯○秋七月公會齊侯宋公陳世子欵鄭世

子華盟于甯母音某又音無曹伯班卒公子友如齊

冬葬曹昭公

八年春王正月公會王人齊侯宋公衛侯許男曹

伯陳世子欵盟于洮他刀反鄭伯乞盟○夏狄伐晉

秋七月禘于大廟用致夫人○冬十有二月丁未

天王崩。

九年春王正月丁丑宋公御說卒悅○夏公會宰

周公齊侯宋子衛侯鄭伯許男曹伯于葵丘○秋

七月乙酉伯姬卒○九月戊辰諸侯盟于葵丘

甲子晉侯倮諸卒詭○冬晉里克殺其君之子奚

齊

十年春王正月公如齊○狄滅溫溫子奔衛○晉

里克弒其君卓及其大夫荀息○夏齊侯許男伐

北戎○晉殺其大夫里克○秋七月○冬大雨雪

十有一年春晉殺其大夫平鄭父圃○夏公及夫

人姜氏會齊侯于陽穀○秋八月大雩○冬楚人

伐黃

十有二年春王三月庚午日有食之○夏楚人滅

黃○秋七月○冬十有二月丁丑陳侯杵臼卒昌

十有三年春狄侵衛○夏四月葬陳宣公○公會

齊侯宋公陳侯衛侯鄭伯許男曹伯于鹹○秋九

月大雩○冬公子友如齊

十有四年春諸侯城緣陵○夏六月季姬及鄆子

遇于防使鄆子來朝鄆似○秋八月辛卯沙鹿朔

狄侵鄭○冬蔡侯肸卒肸許乙反

十有五年春王正月公如齊楚人伐徐三月

公會齊侯宋公陳侯衛侯鄭伯許男曹伯盟于牡

丘遂次于匡公孫敖帥師及諸侯之大夫救徐○

夏五月日有食之○秋七月齊師曹師伐厲八

月螽九月公至自會季姬歸于鄆已卯晦

震夷伯之廟○冬宋人伐曹楚人敗徐于婁林

十有一月壬戌晉侯及秦伯戰于韓獲晉侯

十有六年春王正月戊申朔隕石于宋五隕于敏反落也是

月六鷓退飛過宋都鷓五歷反過古未反三月壬申公子季友

卒○夏四月丙申鄆季姬卒鄆似陵反○秋七月甲子公

孫茲卒○冬十有二月公會齊侯宋公陳侯衛侯

鄭伯許男邢侯曹伯于淮

十有七年春齊人徐人伐英氏○夏滅項胡譚反○秋

夫人姜氏會齊侯于卞皮彦反九月公至自會○冬

十有二月乙亥齊侯小白卒

十有八年春王正月宋公曹伯衛人邾人伐齊○

夏師救齊。五月戊寅，宋師及齊師戰于郟。魚聲反齊師敗績。狄救齊。○秋八月丁亥，葬齊桓公。○冬，邢人狄人伐衛。

十有九年春，王三月，宋人執滕子嬰齊。○夏六月，宋公曹人邾人盟于曹南。鄆子會盟于邾。己酉，邾人執鄆子用之。○秋，宋人圍曹。衛人伐邢。○冬，會陳人蔡人楚人鄭人盟于齊。梁亡。

二十年春，新作南門。○夏，鄆子來朝。鄆古報反五月乙巳，西宮災。鄭人入滑。○秋，齊人狄人盟于邢。○冬，楚人伐隨。

二十有一年，春秋侵衛。宋人齊人楚人盟于鹿上。○夏大旱。○秋，宋公楚子陳侯蔡侯鄭伯許男曹伯會于孟。孟音執宋公以伐宋。○冬，公伐邾。楚人使宜申來獻捷。十有二月癸丑，公會諸侯盟于薄，釋宋公。

二十有二年春，公伐邾，取須句。須音○夏，宋公衛侯許男滕子伐鄭。○秋八月丁未，及邾人戰于升陘。○冬十有一月己巳，朔，宋公及楚人戰于泓。烏宏反

刑音
校定音訓
春秋

宋師敗績

二十有三年春齊侯伐宋圍緡亡市○夏五月庚寅

宋公茲父卒○秋楚人伐陳○冬十有一月杞子

卒

二十有四年春王正月○夏狄伐鄭○秋七月○

冬天王出居于鄭 晉侯夷吾卒

二十有五年春王正月丙午衛侯燬滅邢燬况○夏

四月癸酉衛侯燬卒 宋蕩伯姬來逆婦 宋殺

其大夫○秋楚人圍陳納頓子于頓 葬衛文公

○冬十有二月癸亥公會衛子莒慶盟于洮

二十有六年春王正月己未公會莒子衛甯速盟

于向舒亮 齊人侵我西鄙公追齊師至鄆戶圭弗及

○夏齊人伐我北鄙 衛人伐齊 公子遂如楚

乞師○秋楚人滅夔求龜以夔子歸○冬楚人伐宋

圍緡 公以楚師伐齊取穀公至自伐齊

二十有七年春杞子來朝○夏六月庚寅齊侯昭

卒○秋八月乙未葬齊孝公 乙巳公子遂帥師

入杞○冬楚人陳侯蔡侯鄭伯許男圍宋 十有

二月甲戌公會諸侯盟于宋。

二十有八年春晉侯侵曹晉侯伐衛公子買戍

衛不卒戍刺之賜刺七楚人救衛三月丙午晉侯

入曹執曹伯界宋人利必夏四月己巳晉侯齊師

宋師秦師及楚人戰于城濮楚師敗績楚殺其

大夫得臣衛侯出奔楚五月癸丑公會晉侯

齊侯宋公蔡侯鄭伯衛子莒子盟于踐土踐左陳

侯如會公朝于王所六月衛侯鄭自楚復歸

于衛陳沉衛元咺出奔晉晚反陳侯款卒秋杞伯

姬來公子遂如齊冬公會晉侯齊侯宋公蔡

侯鄭伯陳子莒子邾子秦人于溫天王狩于河

陽壬申公朝于王所晉人執衛侯歸之于京

師衛元咺自晉復歸于衛諸侯遂圍許曹

伯襄復歸于曹遂會諸侯圍許

二十有九年春介葛盧來公至自圍許夏六

月會王人晉人宋人齊人陳人蔡人秦人明于翟

泉翟亭秋大雨雹蒲學冬介葛盧來

三十年春王正月夏狄侵齊秋衛殺其大夫

校定音訓

春秋

元咺及公子瑕。衛侯鄭歸于衛。晉人秦人圍鄭。介人侵蕭。冬。天王使宰周公來聘。公子遂如京師。遂如晉。三十有一年。春。取濟西田。公子遂如晉。夏。四月。卜郊。不從。乃免牲。猶三望。秋。七月。冬。杞伯姬來求婦。狄圍衛。十有二月。衛遷于帝丘。三十有二年。春。王正月。夏。四月。己丑。鄭伯捷卒。衛人侵狄。秋。衛人及狄盟。冬。十有二月。己卯。晉侯重耳卒。

三十有三年。春。王二月。秦人入滑。齊侯使國歸父來聘。夏。四月。辛巳。晉人及姜戎敗秦于殽。癸巳。葬晉文公。狄侵齊。公伐邾。取些。婁。秋。公子遂帥師伐邾。晉人敗狄于箕。冬。十月。公如齊。十有二月。公至自齊。乙巳。公薨于小寢。隕霜不殺草。李梅實。晉人陳人鄭人伐許。文公。元年。春。王正月。公即位。二月。癸亥。日有食之。天王使叔服來會葬。夏。四月。丁巳。葬我君僖公。

天王使毛伯來錫公命。晉侯伐衛。叔孫得臣如京師。衛人伐晉。秋公孫敖會晉侯于戚。冬十月丁未楚世子商臣弒其君頹反倫。公孫敖如齊。

二年春王二月甲子晉侯及秦師戰于彭衙秦師敗績。丁丑作僖公主。三月乙巳及晉處父盟。

夏六月公孫敖會宋公陳侯鄭伯晉士穀反木盟于垂隴。自十有二月不雨至于秋七月。八月

丁卯大事于大廟躋僖公躋陔西反升也。冬晉人宋人陳

人鄭人伐秦。公子遂如齊納幣。

三年春王正月叔孫得臣會晉人宋人陳人衛人鄭人伐沈審音。沈潰。夏五月王子虎卒。秦人伐

晉。秋楚人圍江。雨螽于宋終晉。冬公如晉十有二月己巳公及晉侯盟。晉陽處父帥師伐楚

以救江。

四年春公至自晉。夏逆婦姜于齊。狄侵齊。秋楚人滅江。晉侯伐秦。衛侯使甯俞來聘。

冬十有一月壬寅夫人風氏薨。

五年春王正月王使榮叔歸含且貽會三月辛

亥葬我小君成風王使召伯來會葬會夏公孫

敖如晉秦人入郟音若秋楚人滅六冬十月

甲申許男業卒

六年春葬許僖公夏季孫行父如陳陳秋季孫

行父如晉八月乙亥晉侯驩卒驩冬十月公

子遂如晉葬晉襄公晉殺其大夫陽處父晉

狐射姑出奔狄射亦反閏月不告月音音猶朝于廟

七年春公伐邾三月甲戌取須句其遂城郟音音

夏四月宋公王臣卒宋人殺其大夫戊子

晉人及秦人戰于令狐晉先蔑奔秦狄侵我西

鄙鄙秋八月公會諸侯晉大夫盟于扈冬徐伐

莒公孫敖如莒涖盟

八年春王正月夏四月秋八月戊申天王崩

冬十月壬午公子遂會晉趙盾盟于衡雍乙

酉公子遂會雜戎盟于暴公孫敖如京師不至

而復丙戌奔莒螽宋人殺其大夫司馬宋司

城來奔

九年春毛伯來求金。夫人姜氏如齊。二月叔孫得臣如京師。辛丑葬襄王。晉人殺其大夫先都。三月夫人姜氏至自齊。晉人殺其大夫士穀及箕鄭父。楚人伐鄭。公子遂會晉人宋人衛人許人救鄭。夏狄侵齊。秋八月曹伯襄卒。九月癸酉地震。冬楚子使椒來聘。秦人來歸僖公成風之襚。葬曹共公。十年春王三月辛卯臧孫辰卒。夏秦伐晉。楚殺其大夫宜申。自正月不雨至于秋七月。及

蘇子盟于女栗。女音汝冬狄侵宋。楚子蔡侯次于

厥貉。麥音

十有一年春楚子伐麇。俱倫反夏叔仲彭生會晉郤

缺于承匡。秋曹伯來朝。公子遂如宋。狄侵

齊。冬十月甲午叔孫得臣敗狄于鹹。鹹音咸

十有二年春王正月邾伯來奔。杞伯來朝。二

月庚子子叔姬卒。夏楚人圍巢。秋滕子來朝。

秦伯使術來聘。冬十有二月戊午晉人秦人

戰于河曲。季孫行父帥師城諸及郟。

十有三年春王正月。○夏五月壬午陳侯朔卒。

邾子蘧蒢卒。蘧其屠反 蒢其屠反自正月不雨至于秋七月。

世室屋壞。○冬公如晉衛侯會公于沓。狄侵衛。

十有二月己丑公及晉侯盟公還自晉鄭伯會

公于棐。棐芳味反

十有四年春王正月公至自晉。邾人伐我南鄙。

叔彭生帥師伐邾。○夏五月乙亥齊侯潘卒。六

月公會宋公陳侯衛侯鄭伯許男曹伯晉趙盾癸

酉同盟于新城。○秋七月有星孛入于北斗。孛李音

公至自會。晉人納捷菑于邾。菑其反弗克納。九月

甲申公孫敖卒于齊。齊公子商人弑其君舍

宋子哀來奔。○冬單伯如齊齊人執單伯。齊人

執子叔姬。

十有五年春季孫行父如晉。三月宋司馬華孫

來盟。華戶化反○夏曹伯來朝。齊人歸公孫敖之喪。

六月辛丑朔日有食之鼓用牲于社。單伯至自

齊。晉卻缺帥師伐蔡戊申入蔡。○秋齊人侵我

西鄙。季孫行父如晉。○冬十有一月諸侯盟于

齊東野火

扈 十有二月齊人來歸子叔姬 齊侯侵我西

鄙遂伐曹入其郭音孚

十有六年春季孫行父會齊侯于陽穀齊侯弗及

盟 夏五月公四不視朔 六月戊辰公子遂及

齊侯盟于鄆丘鄆音西 秋八月辛未夫人姜氏薨

毀泉臺 楚人秦人巴人滅庸 冬十有一月宋

人弒其君杵臼

十有七年春晉人衛人陳人鄭人伐宋 夏四月

癸亥葬我小君聲姜 齊侯伐我西鄙 六月癸

未公及齊侯盟于穀 諸侯會于扈 秋公至自

穀 冬公子遂如齊

十有八年春王二月丁丑公薨于臺下 秦伯瑩

卒耕反 夏五月戊戌齊人弒其君商人 六月癸

酉葬我君文公 秋公子遂叔孫得臣如齊 冬

十月子卒 夫人姜氏歸于齊 季孫行父如齊

莒弒其君庶其

宣公

元年春王正月公即位 公子遂如齊逆女 三

月遂以夫人婦姜至自齊。○夏季孫行父如齊。

晉放其大夫胥甲父于衛。公會齊侯于平州。

公子遂如齊。六月齊人取濟西田。○秋邾子來

朝。楚子鄭人侵陳遂侵宋。晉趙盾帥師救陳。

宋公陳侯衛侯曹伯會晉師于斐林伐鄭。○冬

晉趙穿帥師侵崇。晉人宋人伐鄭。

二年春王二月壬子宋華元帥師及鄭公子歸生

帥師戰于大棘宋師敗績獲宋華元。秦師伐晉。

○夏晉人宋人衛人陳人侵鄭。○秋九月乙丑晉

趙盾弒其君夷皋。○冬十月乙亥天王崩。

三年春王正月郊牛之口傷改卜牛牛死乃不郊。

猶二望。葬匡王。楚子伐陸渾之戎。○夏楚人

侵鄭。○秋赤狄侵齊。宋師圍曹。○冬十月丙戌

鄭伯蘭卒。葬鄭穆公。

四年春王正月公及齊侯平莒及郟。莒人不肯公

伐莒取向餉音。秦伯稻卒。○夏六月乙酉鄭公子歸

生弒其君夷。赤狄侵齊。秋公如齊公至自齊。

○冬楚子伐鄭。

卷之五十四 春秋左傳卷之五十四

五年春公如齊。夏公至自齊。秋九月齊高固來逆子叔姬。叔孫得臣卒。冬齊高固及子叔姬來。楚人伐鄭。

六年春晉趙盾衛孫免侵陳。夏四月。秋八月。螽。冬十月。

七年春衛侯使孫良夫來盟。夏公會齊侯伐萊。秋公至自伐萊。大旱。冬公會晉侯宋公衛

侯鄭伯曹伯于黑壤。八年春公至自會。夏六月公子遂如齊。至黃乃

復。辛巳有事于大廟。天音仲遂卒于垂。壬午猶

繹萬入去籥。起呂反戊子夫人嬴氏薨。晉師白

狄伐秦。楚人滅舒蓼。秋七月甲子日有食之。

既。冬十月己丑葬我小君敬嬴。雨不克葬。庚寅

日中而克葬。城平陽。楚師伐陳。

九年春王正月公如齊。公至自齊。夏仲孫蔑如

京師。齊侯伐萊。秋取根牟。八月滕子卒。

九月晉侯宋公衛侯鄭伯曹伯會于扈。晉荀林父

帥師伐陳。辛酉晉侯黑臀卒于扈。冬十月癸

西衛侯鄭卒。宋人圍滕。楚子伐鄭。晉卻缺帥

師救鄭。陳殺其大夫洩冶。音也

十年春。公如齊。公至自齊。齊人歸我濟西田。

夏四月丙辰。日有食之。己巳。齊侯元卒。齊崔

氏出奔衛。公如齊。五月。公至自齊。癸巳。陳

夏徵舒弑其君平國。六月。宋師伐滕。公孫歸

父如齊葬齊惠公。晉人宋人衛人曹人伐鄭。

秋天。王使王季子來聘。公孫歸父帥師伐邾。取

繹。大水。季孫行父如齊。冬。公孫歸父如齊。

齊侯使國佐來聘。饑。楚子伐鄭。

十有一年春。王正月。夏。楚子陳侯鄭伯盟于辰

陵。公孫歸父會齊人伐莒。秋。晉侯會狄于攢

函。攢才端反。音咸。冬。十月。楚人殺陳夏徵舒。丁亥。楚子

入陳。納公孫寧儀行父于陳。

十有二年春。葬陳靈公。楚子圍鄭。夏六月乙

卯。晉荀林父帥師及楚子戰于邲。音必。晉師敗績。

秋七月。冬。十有二月。戊寅。楚子滅蕭。晉人宋

人衛人曹人同盟于清丘。宋師伐陳。衛人救陳。

十有三年春齊師伐莒○夏楚子伐宋○秋螽○冬晉殺其大夫先穀

十有四年春衛殺其大夫孔達○夏五月壬申曹伯壽卒○晉侯伐鄭○秋九月楚子圍宋○葬曹

文公○冬公孫歸父會齊侯于穀

十有五年春公孫歸父會楚子于宋○夏五月宋人及楚人平○六月癸卯晉師滅赤狄潞氏以潞

子嬰兒歸○秦人伐晉○王札子殺召伯毛伯○

秋螽○仲孫蔑會齊高固于無婁○初稅畝○冬

螽生緣音饑

十有六年春王正月晉人滅赤狄甲氏及留吁沉于反○夏成周宣榭火○秋郟伯姬來歸鄭言談○冬大有年

十有七年春王正月庚子許男錫我卒○丁未蔡

侯申卒○夏葬許昭公○葬蔡文公○六月癸卯

日有食之○己未公會晉侯衛侯曹伯邾子同盟

于斷道斷音短○秋公至自會○冬十有一月壬午公

弟叔肸卒許乙反

十有八年春晉侯衛世子臧伐齊。公伐杞。夏四月。秋七月。邾人戕鄆子于鄆。我音甲戌楚子旅卒。公孫歸父如晉。冬十月壬戌公薨于路寢。歸父還自晉至笙遂奔齊。

成公

元年春王正月公即位。二月辛酉葬我君宣公。無冰。三月作丘甲。夏臧孫許及晉侯盟于赤棘。秋王師敗績于茅戎。冬十月二年春齊侯伐我北鄙。夏四月丙戌衛孫良夫帥師及齊師戰于新築衛師敗績。六月癸酉季孫行父臧孫許叔孫僑如公孫嬰齊帥師會晉郟克衛孫良夫曹公子首及齊侯戰于鞏。安音齊師敗績。秋七月齊侯使國佐如師己酉及國佐盟于袁婁。八月壬午宋公鮑卒。庚寅衛侯速卒。取汶陽田。汶音冬楚師鄭師侵衛。十有一月公會楚公子嬰齊于蜀。丙申公及楚人秦人宋人陳人衛人鄭人齊人曹人邾人薛人鄆人盟于蜀。三年春王正月公會晉侯宋公衛侯曹伯伐鄭。

汶音 安音 我音 我音

辛亥葬衛穆公。二月公至自伐鄭。甲子新宮。

災三日哭。乙亥葬宋文公。夏公如晉。鄭公

子去疾帥師伐許。公至自晉。秋叔孫僑如帥

師圍棘。大雩。晉卻克衛孫良夫伐齊。各如

冬十有一月晉侯使荀庚來聘。衛侯使孫

良夫來聘。丙午及荀庚盟。丁未及孫良夫盟。鄭

伐許。

四年春宋公使華元來聘。三月壬申鄭伯堅卒。

杞伯來朝。夏四月甲寅臧孫許卒。公如晉。

葬鄭襄公。秋公至自晉。冬城鄆。鄭伯伐

許。

五年春王正月杞叔姬來歸。仲孫蔑如宋。夏

叔孫僑如會晉荀首于穀。梁山崩。秋大水。

冬十有一月己酉天王崩。十有二月己丑公會

晉侯齊侯宋公衛侯鄭伯曹伯邾子杞伯同盟于

蟲牢。

六年春王正月公至自會。二月辛巳立武宮。

取鄆。衛孫良夫帥師侵宋。夏六月邾子來朝。

公孫嬰齊如晉。壬申鄭伯費卒。費音秘秋仲孫

茂叔孫僑如帥師侵宋。楚公子嬰齊帥師伐鄭。

冬季孫行父如晉。晉欒書帥師救鄭。

七年春王正月。鼯鼠食郊牛角。鼯音美改卜牛。鼯鼠又

食其角。乃免牛。吳伐鄭。談音夏五月。曹伯來朝。

不郊。猶三望。秋。楚公子嬰齊帥師伐鄭。公會

晉侯齊侯宋公衛侯曹伯莒子邾子杞伯救鄭。

八月戊辰。同盟于馬陵。公至自會。吳入州來。

冬大雩。衛孫林父出奔晉。

八年春。晉侯使韓穿來言汶陽之田歸之于齊。

晉欒書帥師侵蔡。公孫嬰齊如莒。宋公使華

元來聘。夏。宋公使公孫壽來納幣。晉殺其大

夫趙同趙括。秋七月。天子使召伯來賜公命。

冬十月癸卯。杞叔姬卒。晉侯使士燮來聘。叔孫

僑如會晉士燮齊人邾人伐鄭。衛人來媵。以證反

九年春王正月。杞伯來逆叔姬之喪以歸。公會

晉侯齊侯宋公衛侯鄭伯曹伯莒子杞伯同盟于

蒲。公至自會。二月。伯姬歸于宋。夏。季孫行

春秋左傳卷之二十一 宣公八年

父如宋致女。晉人來媵。秋七月丙子齊侯無

野卒。晉人執鄭伯。晉欒書帥師伐鄭。冬十

有一月葬齊頃公。頃音楚公子嬰齊帥師伐莒。庚

申莒潰。楚人入鄆。秦人白狄伐晉。鄭人圍許

城中城。

十年春衛侯之弟黑背帥師侵鄭。夏四月五卜

郊不從乃不郊。五月公會晉侯齊侯宋公衛侯

曹伯伐鄭。齊人來媵。丙午晉侯獯卒。獯乃侯反秋

七月公如晉。冬十月。

十有一年春王三月公至自晉。晉侯使卻犢來

聘。犢由反已丑及卻犢盟。夏季孫行父如晉。秋叔

孫僑如如齊。冬十月。

十有二年春周公出奔晉。夏公會晉侯衛侯于

瑣澤。秋晉人敗狄于交剛。冬十月。

十有三年春晉侯使卻錡來乞師。錡魚綺反三月公如

京師。夏五月公自京師遂會晉侯齊侯宋公衛

侯鄭伯曹伯邾人滕人伐秦。曹伯廬卒于師。

秋七月公至自伐秦。冬葬曹宣公。

春秋左傳卷之四十一 宣公十四年

十有四年春王正月莒子朱卒。夏衛孫林父自晉歸于衛。秋叔孫僑如如齊逆女。鄭公子喜帥師伐許。九月僑如以夫人婦姜氏至自齊。冬十月庚寅衛侯臧卒。秦伯卒。

十有五年春王二月葬衛定公。三月乙巳仲嬰齊卒。癸丑公會晉侯衛侯鄭伯曹伯宋世子成齊國佐邾人同盟于戚。晉侯執曹伯歸于京師。

公至自會。夏六月宋公固卒。楚子伐鄭。秋八月庚辰葬宋共公。宋華元出奔晉。宋華元自

晉歸于宋。宋殺其大夫山。宋魚石出奔楚。冬十有一月叔孫僑如會晉士燮齊高無咎宋華元衛孫林父鄭公子鮑邾人會吳于鍾離。許遷于

葉。

攝音

十有六年春王正月雨木冰。夏四月辛未滕子卒。鄭公子喜帥師侵宋。六月丙寅朔日有食之。晉侯使欒黶來乞師。甲午晦晉侯及楚子鄭伯戰于鄢陵。楚子鄭師敗績。楚殺其大夫公子側。秋公會晉侯齊侯衛侯宋華元邾人于

沙隨不見公。公至自會。公會于子晉侯齊國。

佐邾人伐鄭。曹伯歸自京師。九月，晉人執季

孫行父，舍之于莒丘。莒音冬十月，乙亥，叔孫僑如

出奔齊。十有二月，乙丑，季孫行父及晉郤犇盟

于扈。公至自會。乙酉，刺公子偃。

十有七年，春，衛北宮括帥師侵鄭。夏，公會于子

單子，晉侯齊侯宋公衛侯曹伯邾人伐鄭。六月，

乙酉，同盟于柯陵。秋，公至自會。齊高無咎出

奔莒。九月辛丑，用郊。晉侯使荀罃來乞師。罃乙耕反

○冬，公會單子晉侯宋公衛侯曹伯齊人邾人伐

鄭。十有一月，公至自伐鄭。壬申，公孫嬰齊卒。

于狸，狸力之反，脹而軫反。十有二月，丁巳，朔，日有食之。邾

子矍且卒。矍俱縛反，且子餘反。晉殺其大夫卻錡、卻犇、卻至。

楚人滅舒庸。

十有八年，春，王正月，晉殺其大夫胥童。庚申，晉

弒其君州蒲。齊殺其大夫國佐。公如晉。夏，

楚子鄭伯伐宋。宋魚石復入于彭城。公至自

晉。晉侯使士匄來聘。秋，杞伯來朝。八月，邾

人來朝。

子來朝。築鹿囿。已丑，公薨于路寢。冬，楚人

鄭人侵宋。晉侯使士魴來乞師。魴音房十有二月。

仲孫蔑會晉侯、宋公、衛侯、邾子、齊崔杼，同盟于虛

打。打他丁反丁未，葬我君成公。

襄公

元年春，王正月，公即位。仲孫蔑會晉欒黶、宋華

元、衛甯殖、曹人莒、邾人滕、人圍宋彭城。

夏，晉韓厥帥師伐鄭。仲孫蔑會齊崔杼、曹人邾人

杞人次于郕。秋，楚公子壬夫帥師侵宋。九月。

辛酉，天王崩。邾子來朝。冬，衛侯使公孫剽來

聘。剽音匹，妙反晉侯使荀罃來聘。

二年春，王正月，葬簡王。鄭師伐宋。夏五月，庚

寅，夫人姜氏薨。六月，庚辰，鄭伯踰卒。踰音古，困反晉師

宋師衛甯殖侵鄭。秋七月，仲孫蔑會晉荀罃、宋

華元、衛孫林、父曹人邾人于戚。已丑，葬我小君

齊姜。叔孫豹如宋。冬，仲孫蔑會晉荀罃、齊崔

杼、宋華元、衛孫林、父曹人邾人滕人薛人小邾人

于戚，遂城虎牢。楚殺其大夫公子申。

三年春楚公子嬰齊帥師伐吳。公如晉。夏四月壬戌公及晉侯盟于長檇。公至自晉。六月公會單子晉侯宋公衛侯鄭伯莒子邾子齊世子光已未同盟于雞澤。陳侯使袁僑如會。戊寅叔孫豹及諸侯之大夫及陳袁僑盟。秋公至自會。冬晉荀罃帥師伐許。四年春王三月己酉陳侯午卒。夏叔孫豹如晉。秋七月戊子夫人妣氏薨。葬陳成公。八月辛亥葬我小君定姒。冬公如晉。陳人圍頓。

五年春公至自晉。夏鄭伯使公子發來聘。叔孫豹鄭世子巫如晉。仲孫蔑衛孫林公會吳于善道。秋大雩。楚殺其大夫公子壬夫。公會晉侯宋公陳侯衛侯鄭伯曹伯莒子邾子滕子薛伯齊世子光吳人鄭人于戚。公至自會。冬戊辰楚公子貞帥師伐陳。公會晉侯宋公衛侯鄭伯曹伯齊世子光救陳。十有二月公至自救陳。辛未季孫行父卒。六年春王三月壬午杞伯姑容卒。夏宋華弱來

校定音訓

春秋

卷八

奔。秋葬杞桓公。滕子來朝。莒人滅郕。冬。叔孫豹如邾。季孫宿如晉。十有二月齊侯滅萊。

七年春。邾子來朝。夏四月。三不從。乃免牲。

小邾子來朝。城費。秋季孫宿如衛。

月。冬十月。衛侯使孫林父來聘。壬戌。及孫林

父盟。楚公子貞帥師圍陳。十有二月。公會晉

侯宋公陳侯衛侯曹伯莒子邾子于鄆。鄭伯髡

頑如會。未見諸侯。丙戌。卒于鄆。陳侯逃歸。

八年春。王正月。公如晉。夏葬鄭僖公。鄭人侵

蔡。獲蔡公子燮。季孫宿會晉侯鄭伯齊人宋人

衛人邾人于邢丘。公至自晉。莒人伐我東鄙。

秋九月。大雩。冬。楚公子貞帥師伐鄭。晉侯

使士匄來聘。

九年春。宋災。夏。季孫宿如晉。五月。辛酉。夫人

姜氏薨。秋八月。癸未。葬我小君穆姜。冬。公會

晉侯宋公衛侯曹伯莒子邾子滕子薛伯杞伯小

邾子齊世子光。伐鄭。十有二月。己亥。同盟于戲。

楚子伐鄭

十年春公會晉侯宋公衛侯曹伯莒子邾子滕子
薛伯杞伯小邾子齊世子光會吳于相莊加反夏五
月甲午遂滅偃陽偃音公至自會楚公子貞鄭
公孫輒帥師伐宋晉師伐秦秋莒人伐我東
鄙公會晉侯宋公衛侯曹伯莒子邾子齊世子
光滕子薛伯杞伯小邾子伐鄭冬盜殺鄭公子
駢公子發公孫輒戍鄭虎牢楚公子貞帥師
救鄭公至自伐鄭

十有一年春王正月作二軍夏四月四卜郊不
從乃不郊鄭公孫舍之帥師侵宋公會晉侯
宋公衛侯曹伯齊世子光莒子邾子滕子薛伯杞
伯小邾子伐鄭秋七月己未同盟于亳城北亳音
公至自伐鄭楚子鄭伯伐宋公會晉侯宋
公衛侯曹伯齊世子光莒子邾子滕子薛伯杞伯
小邾子伐鄭會于蕭魚公至自會楚人執鄭
行人良霄冬秦人伐晉
十有二年春王二月莒人伐我東鄙圍郕季孫

春秋左傳卷之六

宿帥師救台遂入鄆音 ○夏晉侯使士魴來聘 ○

秋九月吳子乘卒 ○冬楚公子貞帥師侵宋 公如晉

十有三年春公至自晉 ○夏取郟音 ○秋九月庚辰楚子審卒 ○冬城防

十有四年春王正月季孫宿叔老會晉士匄齊人宋人衛人鄭公孫薑曹人莒人邾人滕人薛人杞

人小邾人會吳子向音 二月乙未朔日有食之 ○夏四月叔孫豹會晉荀偃齊人宋人衛北宮括

鄭公孫薑曹人莒人邾人滕人薛人杞人小邾人伐秦 己未衛侯出奔齊 莒人侵我東鄙 ○秋

楚公子貞帥師伐吳 ○冬季孫宿會晉士匄宋華閱衛孫林父鄭公孫薑莒人邾人于戚音

十有五年春宋公使向戌來聘二月己亥及向戌盟于劉 劉夏逆王后于齊 ○夏齊侯伐我北鄙

圍成 公救成至遇 季孫宿叔孫豹帥師城成 郭 ○秋八月丁巳日有食之 邾人伐我南鄙 ○

冬十有一月癸亥晉侯周卒

春秋左傳卷之六 宣公六年

十有六年春王正月葬晉悼公。三月公會晉侯
宋公衛侯鄭伯曹伯莒子邾子薛伯杞伯小邾子
于溴梁_閔戊寅大夫盟。晉人執莒子邾子以歸。
齊侯伐我北鄙。夏公至自會。五月甲子地
震。叔老會鄭伯晉荀偃衛甯殖宋人伐許。秋
齊侯伐我北鄙圍成。大雩。冬叔孫豹如晉。
十有七年春王二月庚午邾子貜卒_{耕反}。宋人伐
陳。夏衛石買帥師伐曹。秋齊侯伐我北鄙圍
桃。齊高厚帥師伐我北鄙圍防。九月大雩。宋

華臣出奔陳。冬邾人伐我南鄙。
十有八年春白狄來。夏晉人執衛行人石買。
秋齊師伐我北鄙。冬十月公會晉侯宋公衛侯
鄭伯曹伯莒子邾子滕子薛伯杞伯小邾子同圍
齊。曹伯負芻卒于師。楚公子午帥師伐鄭。
十有九年春王正月諸侯盟于祝柯。晉人執邾
子公至自伐齊。取邾田自濼水_{邾音}。季孫宿
如晉。葬曹成公。夏衛孫林父帥師伐齊。秋
七月辛卯齊侯環卒。晉士匄帥師侵齊至穀聞

校定音訓
春秋

齊侯卒乃還。八月丙辰仲孫蔑卒。齊殺其大

夫高厚。鄭殺其大夫公子嘉。冬葬齊靈公。

城西郭。叔孫豹會晉士匄于柯。城武城。

二十年春王正月辛亥仲孫速會莒人盟于向。

夏六月庚申公會晉侯齊侯宋公衛侯鄭伯曹伯

莒子邾子滕子薛伯杞伯小邾子盟于澶淵。

秋公至自會。仲孫速帥師伐邾。蔡殺其大夫

公子燮。蔡公子履出奔楚。陳侯之弟黃出奔楚。

叔老如齊。冬十月丙辰朔日有食之。季孫

宿如宋。

二十有一年春王正月公如晉。邾庶其以漆閭

丘來奔。夏公至自晉。秋晉欒盈出奔楚。九

月庚戌朔日有食之。冬十月庚辰朔日有食之。

曹伯來朝。公會晉侯齊侯宋公衛侯鄭伯曹

伯莒子邾子于商任。

二十有二年春王正月公至自會。夏四月。秋

七月辛酉叔老卒。冬公會晉侯齊侯宋公衛侯

鄭伯曹伯莒子邾子薛伯杞伯小邾子于沙隨。

校定五音

公至自會。楚殺其大夫公子追舒。

二十有三年春王二月癸酉朔日有食之。三月

己巳杞伯勾卒。夏邾畀我來奔。葬杞孝公。

陳殺其大夫慶虎及慶寅。陳侯之弟黃自楚歸

于陳。晉欒盈復入于晉入于曲沃。秋齊侯伐

衛遂伐晉。八月叔孫豹帥師救晉次于雍榆。

已卯仲孫速卒。冬十月乙亥臧孫紇出奔邾。

晉人殺欒盈。齊侯襲莒。

二十有四年春叔孫豹如晉。仲孫羯帥師侵齊。

居反○夏楚子伐吳。○秋七月甲子朔日有食之。既

齊崔杼帥師伐莒。大水。八月癸巳朔日有

食之。公會晉侯宋公衛侯鄭伯曹伯莒子邾子

滕子薛伯杞伯小邾子于夷儀。冬楚子蔡侯陳

侯許男伐鄭。公至自會。陳鍼宜咎出奔楚。

叔孫豹如京師。大饑。

二十有五年春齊崔杼帥師伐我北鄙。夏五月

乙亥齊崔杼弑其君光。公會晉侯宋公衛侯鄭

伯曹伯莒子邾子滕子薛伯杞伯小邾子于夷儀。

六月壬子鄭公孫舍之帥師入陳○秋八月己

巳諸侯同盟于重丘龍反公至自會衛侯入于

夷儀楚屈建帥師滅舒鳩○冬鄭公孫夏帥師

伐陳十有二月吳子遏伐楚葛反門于巢卒

二十有六年春王二月辛卯衛甯喜弑其君剽匹妙反

衛孫林父入于戚以叛甲午衛侯衎復歸于

衛○夏晉侯使荀吳來聘公會晉人鄭良霄宋

人曹人于澶淵○秋宋公殺其世子痤才何反晉人

執衛甯喜八月壬午許男甯卒于楚○冬楚子

蔡侯陳侯伐鄭葬許靈公正月甲子庚辰葬

二十有七年春齊侯使慶封來聘○夏叔孫豹會

晉趙武楚屈建蔡公孫歸生衛石惡陳孔奐鄭良

霄許人曹人于宋衛殺其大夫甯喜衛侯之

弟鱄出奔晉鱄市戀反○秋七月辛巳豹及諸侯之大夫

盟于宋○冬十有二月乙亥朔日有食之

二十有八年春無冰○夏衛石惡出奔晉邾子

來朝○秋八月大雩仲孫羯如晉○冬齊慶封

來奔十有一月公如楚十有二月甲寅天王

春秋左傳卷之六十一 宣公六年

崩乙未楚子昭卒

二十有九年春王正月公在楚夏五月公至自

楚庚午衛侯衎卒閻弒吳子餘祭閻音音祭側界友仲

孫羯會晉荀盈齊高止宋華定衛世叔儀鄭公孫

段曹人莒人滕人薛人小邾人城杞晉侯使士

鞅來聘杞子來盟吳子使札來聘秋九月

葬衛獻公齊高止出奔北燕冬仲孫羯如晉

三十年春王正月楚子使遠遠音委友罷來聘罷音皮夏四

月蔡世子般弒其君固五月甲午宋災宋伯

姬卒天王殺其弟佖夫王子瑕奔晉秋七

月叔弓如宋葬宋共姬鄭良霄出奔許自許入

于鄭鄭人殺良霄冬十月葬蔡景公晉人齊

人宋人衛人鄭人曹人莒人邾人滕人薛人杞人

小邾人會于澶淵宋災故

三十有一年春王正月夏六月辛巳公薨于楚

宮秋九月癸巳子野卒己亥仲孫羯卒冬

十月滕子來會葬癸酉葬我君襄公十有一

月莒人弒其君密州

昭公

元年春王正月公即位。叔孫豹會晉趙武楚公子圍齊國弱宋向戌衛齊惡陳公子招蔡公孫歸生鄭罕虎許人曹人于號。招音韶三月取鄆。夏秦伯之弟鍼出奔晉。鍼其音兼反六月丁巳邾子華卒。晉荀吳帥師敗狄于大鹵。音魯秋莒去疾自齊入于莒。莒起呂反莒展輿出奔吳。叔弓帥師疆鄆田。葬邾悼公。冬十有一月己酉楚子麇卒。麇音倫反楚公子比出奔晉。

二年春晉侯使韓起來聘。夏叔弓如晉。秋鄭殺其大夫公孫黑。冬公如晉至河乃復季孫宿如晉。

三年春王正月丁未滕子原卒。夏叔弓如滕。五月葬滕成公。秋小邾子來朝。八月大雩。冬大雨雹。北燕伯欵出奔齊。

四年春王正月大雨雹。夏楚子蔡侯陳侯鄭伯許男徐子滕子頓子胡子沈子小邾子宋世子佐淮夷會于申。楚人執徐子。秋七月楚子蔡侯

昭公 四十七

陳侯許男頓子胡子沈子淮夷伐吳。執齊慶封，殺之，遂滅賴。九月取郟。冬十有二月乙卯，叔孫豹卒。

五年春王正月舍中軍。楚殺其大夫屈申。

公如晉。夏莒牟夷以牟婁及防茲來奔。秋七

月公至自晉。戊辰叔弓帥師敗莒師于蚡泉。

秦伯卒。冬楚子蔡侯陳侯許男頓子沈子徐

人越人伐吳。

六年春王正月杞伯益姑卒。葬秦景公。夏季

孫宿如晉。葬杞文公。宋華合比出奔衛。秋

九月大雩。楚遠罷師師伐吳。冬叔弓如楚。

齊侯伐北燕。

七年春王正月暨齊平。三月公如楚。叔孫

舍如齊蒞盟。夏四月甲辰朔日有食之。秋八

月戊辰衛侯惡卒。九月公至自楚。冬十有一

月癸未季孫宿卒。十有二月癸亥葬衛襄公。

八年春陳侯之弟招殺陳世子偃師。夏四月辛

丑陳侯溺卒。叔弓如晉。楚人執陳行人于徵

師殺之。陳公子留出奔鄭。○秋蒐于紅。蒐，求反。陳人殺其大夫公子過。音戈。大雩。冬十月壬午，楚師滅陳，執陳公子招，放之于越，殺陳孔奐，葬陳哀公。

九年春，叔弓會楚子于陳。許遷于夷。○夏四月。

陳災。○秋，仲孫獲如齊。獲，獲反。○冬，築郎囿。

十年春，王正月。○夏，齊欒施來奔。○秋七月，季孫

意如、叔弓、仲孫獲帥師伐莒。戊子，晉侯彪卒。

九月，叔孫舍如晉葬晉平公。○十有二月甲子，宋

公成卒

十有一年春，王二月，叔弓如宋葬宋平公。○夏四

月丁巳，楚子虔誘蔡侯般，殺之于申。楚公子棄疾

帥師圍蔡。五月甲申，夫人歸氏薨。大蒐于比

蒲。仲孫獲會邾子盟于禋祥。禋，煇反。○秋季，孫意如

會晉韓起、齊國弱、宋華亥、衛北宮佗、鄭罕虎、曹人

杞人于厥憇。魚，新反。九月己亥，葬我小君齊歸。冬

十有一月丁酉，楚師滅蔡，執蔡世子有以歸，用之。

十有二年春，齊高偃帥師納北燕伯于陽。三月

壬申鄭伯嘉卒。夏宋公使華定來聘。公如晉。至河乃復。五月葬鄭簡公。楚殺其大夫成熊。○秋七月。冬十月公子愁出奔齊。楚子伐徐。晉伐鮮虞。

十有三年春。叔弓帥師圍費。夏四月。楚公子比自晉歸于楚。弑其君虔于乾谿。楚公子棄疾殺公子比。○秋公會劉子。晉侯齊侯宋公衛侯鄭伯曹伯莒子邾子滕子薛伯杞伯小邾子于平丘。八月甲戌同盟于平丘。公不與盟。與音晉人執

季孫意如以歸。公至自會。蔡侯廬歸于蔡。陳侯吳歸于陳。○冬十月葬蔡靈公。公如晉至河乃復。吳滅州來。十有四年春意如至自晉。三月曹伯滕卒。夏四月。○秋葬曹武公。八月莒子去疾卒。○冬莒殺其公子意恢。

十有五年春。王正月。吳子夷末卒。二月癸酉。有事于武宮。籥人叔弓卒。去樂卒事。夏蔡朝吳出奔鄭。六月丁巳朔。日有食之。○秋晉荀吳帥

師伐鮮虞。冬公如晉。

十有六年春齊侯伐徐。楚子誘戎蠻子殺之。

夏公至自晉。秋八月己亥晉侯夷卒。九月大

雩。季孫意如如晉。冬十月葬晉昭公。

十有七年春小邾子來朝。夏六月甲戌朔日有

食之。秋邾子來朝。八月晉荀吳帥師滅陸渾

之戎。冬有星孛于大辰。楚人及吳戰于長

岸。

十有八年春王三月曹伯須卒。夏五月壬午宋

衛陳鄭災。六月邾人入郟。秋葬曹平公。

冬許遷于白羽。

十有九年春宋公伐邾。夏五月戊辰許世子止

弒其君買。己卯地震。秋齊高發帥師伐莒。

冬葬許悼公。

二十年春王正月。夏曹公孫會自鄭出奔宋。

秋盜殺衛侯之兄縶。冬十月宋華亥向寧華

定出奔陳。十有一月辛卯蔡侯廬卒。

二十有一年春王三月葬蔡平公。夏晉侯使士

鞅來聘。宋華亥向寧華定自陳入于宋南里以
叛。○秋七月壬午朔日有食之。八月乙亥叔輒
卒。○冬蔡侯朱出奔楚。公如晉至河乃復。
二十有二年春齊侯伐莒。宋華亥向寧華定自
宋南里出奔楚。大蒐于昌間。○夏四月乙丑天
王崩。六月叔鞅如京師。葬景王。王室亂。
劉子單子以王猛居于皇。○秋劉子單子以王猛
入于王城。○冬十月王子猛卒。十有二月癸酉
朔日有食之。

二十有二年春王正月叔孫舍如晉。癸丑叔鞅
卒。晉人執我行人叔孫舍。晉人圍郊。○夏六
月蔡侯東國卒于楚。○秋七月莒子庚輿來奔。
戊辰吳敗頓胡沈蔡陳許之師于雞父。胡子髡沈
子逞滅。獲陳夏齧。天王居于狄泉。尹氏
立王子朝。八月乙未地震。○冬公如晉至河有
疾乃復。
二十有四年春王二月丙戌仲孫矍卒。叔孫
舍至自晉。○夏五月乙未朔日有食之。○秋八月

大雩。丁酉。杞伯郁釐卒。○冬。吳滅巢。葬杞平

公。

二十有五年。春。叔孫舍如宋。○夏。叔詣會。晉趙鞅

宋樂大心衛北宮喜鄭游吉曹人邾人滕人薛人

小邾人于黃父。計友 韻五有鸚鵡來巢。鸚其具反 韻音欲秋七月。

上辛大雩。季辛又雩。九月。己亥。公孫于齊。遜 韻音次

于陽州。齊侯唁公于野井。韻音彥 手也○冬。十月。戊辰。

叔孫舍卒。十有一月。己亥。宋公佐卒于曲棘。

十有二月。齊侯取鄆。

二十有六年。春。王正月。葬宋元公。十二月。公至自

齊。居于鄆。○夏。公圍成。○秋。公會齊侯莒子邾子

杞伯盟于鄆陵。專 鄆音公至自會。居于鄆。九月。庚

申。楚子居卒。○冬。十月。天王入于成周。尹氏召

伯毛伯以王子朝奔楚。

二十有七年。春。公如齊。公至自齊。居于鄆。○夏。四

月。吳弒其君僚。楚殺其大夫卻宛。於元 反○秋。晉士

鞅宋樂祁犁衛北宮喜曹人邾人滕人會于扈。○

冬。十月。曹伯午卒。邾快來奔。公如齊。公至自

齊居于鄆。

二十有八年春王三月葬曹悼公。公如晉次于

乾侯。乾音夏四月丙戌鄭伯寧卒。六月葬鄭定

公。秋七月癸巳滕子寧卒。冬葬滕悼公。

二十有九年春公至自乾侯居于鄆齊侯使高張

來唁公。公如晉次于乾侯。夏四月庚子叔詣

卒。秋七月。冬十月鄆潰。

三十年春王正月公在乾侯。夏六月庚辰晉侯

去疾卒。秋八月葬晉頃公。冬十有二月吳滅

徐。徐子章羽奔楚。

三十有一年春王正月公在乾侯。季孫意如會

晉荀躒于適歷。躒方狄反 適音嫡夏四月丁巳薛伯穀卒。

晉侯使荀躒唁公于乾侯。秋葬薛獻公。冬黑

肱以濫來奔。十有二月辛亥朔日有食之。

三十有二年春王正月公在乾侯。取闕。闕音夏

吳伐越。秋七月。冬仲孫何忌會晉韓不信齊

高張宋仲幾衛世叔申鄭國參曹人莒人薛人杞

人小邾人城成周。幾音機十有二月己未公薨于乾

侯。

定公

元年春王三月晉人執宋仲幾于京師。夏六月。癸亥公之喪至自乾侯。戊辰公即位。秋七月。癸巳葬我君昭公。九月大雩。立煬宮。煬音讓反冬。十月隕霜殺菽。

二年春王正月。夏五月壬辰雉門及兩觀災。觀二

秋楚人伐吳。冬十月新作雉門及兩觀。

三年春王正月公如晉至河乃復。二月辛卯邾

子穿卒。夏四月。秋葬邾莊公。冬仲孫何忌及邾子盟于拔。

四年春王二月癸巳陳侯吳卒。三月公會劉子

晉侯宋公蔡侯衛侯陳子鄭伯許男曹伯莒子邾

子頓子胡子滕子薛伯杞伯小邾子齊國夏子召

陵侵楚。夏四月庚辰蔡公孫姓帥師滅沈。沈音生以

沈子嘉歸殺之。五月公及諸侯盟于皋鼬。鼬音由反

杞伯成卒于會。六月葬陳惠公。許遷于容城。

秋七月公至自會。劉卷卒。卷音推葬杞悼公。

楚人圍蔡。晉士鞅衛孔圉帥師伐鮮虞。葬劉文公。冬十有一月庚午。蔡侯以吳子及楚人戰于柏舉。楚師敗績。楚囊瓦出奔鄭。庚辰。吳入郢。五年春。王三月辛亥朔。日有食之。夏。歸粟于蔡。於越入吳。六月丙申。季孫意如卒。秋七月。壬子。叔孫不敢卒。冬。晉士鞅帥師圍鮮虞。六年春。王正月癸亥。鄭游速帥師滅許。以許男斯歸。二月。公侵鄭。公至。自侵鄭。夏。季孫斯仲孫何忌如晉。秋。晉人執宋行人樂祁犂。冬。城

中城。季孫斯仲孫忌帥師圍鄭。

七年春。王正月。夏四月。秋。齊侯鄭伯盟于鹹。

齊人執衛行人北宮結以侵衛。齊侯衛侯盟

于沙。大雩。齊國夏帥師伐我西鄙。九月大

雩。冬十月。

八年春。王正月。公侵齊。公至。自侵齊。二月。公

侵齊。三月。公至。自侵齊。曹伯露卒。夏。齊國

夏帥師伐我西鄙。公會晉師于瓦。公至。自瓦。

秋。七月。戊辰。陳侯柳卒。晉士鞅帥師侵鄭。遂

侵衛。葬曹靖公。九月葬陳懷公。季孫斯仲孫何忌帥師侵衛。冬衛侯鄭伯盟于曲濮。自從祀先公。盜竊寶玉大弓。

九年春王正月。夏四月戊申鄭伯蠆卒。蠆音敷得寶玉大弓。六月葬鄭獻公。秋齊侯衛侯次于五氏。秦伯卒。冬葬秦哀公。

十年春王三月及齊平。夏公會齊侯于夾谷。公至自夾谷。晉趙鞅帥師圍衛。齊人來歸鄆。謹龜陰田。叔孫州仇仲孫何忌帥師圍郕。音

秋叔孫州仇仲孫何忌帥師圍郕。宋樂大心出奔曹。宋公子地出奔陳。冬齊侯衛侯鄭游速會于安甫。叔孫州仇如齊。宋公之弟辰暨仲佗石彊出奔陳。彊音

十有一年春宋公之弟辰及仲佗石彊公子地自陳入于蕭以叛。夏四月。秋宋樂大心自曹入于蕭。冬及鄭平。叔還如鄭泣盟。泣音

十有二年春薛伯定卒。夏葬薛襄公。叔孫州仇帥師墮郕。墮音規衛公子孟彊帥師伐曹。季孫斯

仲孫何忌帥師墮費秘音 ○秋大雩 ○冬十月癸亥

公會齊侯盟于黃 十有一月丙寅朔日有食之

公至自黃 十有二月公圍成公至自圍成

十有三年春齊侯衛侯次于垂葭 夏築蛇淵圍

大蒐于比蒲比音 衛公子孟彊帥師伐曹 秋晉

趙鞅入于晉陽以叛 ○冬晉荀寅士吉射入于朝

歌以叛亦反 晉趙鞅歸于晉 薛弒其君比

十有四年春衛公叔成來奔國名 衛趙陽出奔宋

二月辛巳楚公子結陳公孫佗人帥師滅頓以

頓子牂歸牂音 ○夏衛北宮結來奔 五月於越敗

吳于槁李槁音 吳于光卒 公會齊侯衛侯于牽

公至自會 ○秋齊侯宋公會于洮 天王使石尚

來歸賑市音 衛世子蒯聩出奔宋蒯音怪反 衛公孟

彊出奔鄭 宋公之弟辰自蕭來奔 大蒐于比

蒲 邾子來會公 城莒父及霄交音

十有五年春王正月邾子來朝 鼯鼠食郊牛牛

死改卜牛 二月辛丑楚子滅胡以胡子豹歸 ○

夏五月辛亥郊 壬申公薨于高寢 鄭達帥

夏五月辛亥郊 壬申公薨于高寢 鄭達帥

師伐宋。齊侯衛侯次于渠蔭。邾子來奔喪。

秋七月壬申。姒氏卒。八月庚辰朔。日有食之。

九月。滕子來會葬。丁巳葬我君。定公雨。不克葬。戊

午。日下昃。乃克葬。辛巳葬定姒。冬。城漆。

哀公

元年春。王正月。公即位。楚子陳侯隨侯許男圍

蔡。鷦鼠食郊牛。改卜牛。夏四月辛巳。刻。秋

齊侯衛侯伐晉。冬。仲孫何忌帥師伐邾。

二年春。王二月。季孫斯叔孫州仇仲孫何忌帥師

伐邾。取鄆東田及沂西田。癸巳。叔孫州仇仲孫

何忌及邾子盟于句繹。句音勾 繹音亦夏四月丙子。衛侯

元卒。滕子來朝。晉趙鞅帥師納衛世子蒯聵

于戚。秋八月甲戌。晉趙鞅帥師及鄭罕達帥師

戰于鐵。鄭師敗績。冬十月葬衛靈公。十有一

月。蔡遷于州來。蔡殺其大夫公子駟。

三年春。齊國夏衛石曼姑帥師圍戚。夏四月甲

午。地震。五月辛卯。桓宮僖宮災。季孫斯叔孫

州仇帥師城啓陽。宋樂髡帥師伐曹。秋七月。

丙子季孫斯卒。蔡人放其大夫公孫獵于吳。冬十月癸卯秦伯卒。叔孫州仇仲孫何忌帥師圍邾。

四年春王二月庚戌盜殺蔡侯申。蔡公孫辰出

奔吳。葬秦惠公。宋人執小邾子。夏蔡殺其

大夫公孫姓公孫霍。晉人執戎蠻子赤歸于楚。

城西郭。六月辛丑亳社災。秋八月甲寅

滕子結卒。冬十有二月葬蔡昭公。葬滕頃公。

五年春城毗。夏齊侯伐宋。晉趙鞅帥師伐

衛。秋九月癸酉齊侯杵臼卒。冬叔還如齊。

閏月葬齊景公。

六年春城邾瑕。晉趙鞅帥師伐鮮虞。吳伐陳。

夏齊國夏及高張來奔。叔還會吳于相。

秋七月庚寅楚子軫卒。齊陽生入于齊。陳乞

弑其君荼。冬仲孫何忌帥師伐邾。宋向巢

帥師伐曹。

七年春宋皇瑗帥師侵鄭。晉魏曼多帥師侵

衛。夏公會吳于郕。秋公伐邾。八月己酉。

定音訓

春秋

入邾以邾子益來。宋人圍曹。○冬鄭駟弘帥師救曹。

八年春王正月宋公入曹以曹伯陽歸。吳伐我。

○夏齊人取讎及闡尺善反歸邾子益于邾。○秋七月。

○冬十有二月癸亥杞伯過卒過音也齊人歸讎及闡。

九年春王二月葬杞喜公。宋皇瑗帥師取鄭師

于雍丘雍丘勇反。○夏楚人伐陳。○秋宋公伐鄭。○冬十

月。

十年春王二月邾子益來奔。公會吳伐齊。三

月戊戌齊侯陽生卒。○夏宋人伐鄭。晉趙鞅帥

師侵齊。五月公至自伐齊。葬齊悼公。衛公

孟彊自齊歸于衛。薛伯夷卒。○秋葬薛惠公。

冬楚公子結帥師伐陳。吳救陳。

十有一年春齊國書帥師伐我。○夏陳轅頗出奔

鄭頗破多反。五月公會吳伐齊。甲戌齊國書帥師及

吳戰于艾陵。齊師敗績。獲齊國書。○秋七月辛酉。滕子廆母卒。○冬十有一月葬滕隱公。衛世叔

齊出奔宋。

十有二年春用田賦。○夏五月甲辰孟子卒。公

會吳于橐泉。橐音夜反。音託。○秋公會衛侯宋皇瑗于鄆。音云。

宋向巢帥師伐鄭。○冬十有二月螽。

十有三年春鄭罕達帥師取宋師于岳。音巖。○夏許

男成卒。公會晉侯及吳子于黃池。楚公子申

帥師伐陳。於越入吳。○秋公至自會。晉裨曼

多帥師侵衛。葬許元公。○九月螽。○冬十有一

月有星孛于東方。孛音偏。盜殺陳夏區夫。區音侯反。十有

二月螽。

十有四年春西狩獲麟。

春秋終

交定音別

